

1249

stipendista u 83. općine


536
osnovca

515
srednjoškola

198
studenata

331. superodlikaš / 169. odlikaša / 5. učenika generacije i 11. diplomanata i magistranata

NOVOSTI



KOMPANIJA WOLF THEISS STIPENDISTIMA DONIRALA RAČUNARE

Kompanija Wolf Theiss, jedna od vodećih odvjetničkih kompanija u Evropi, poklonila je šest računara stipendistima Fondacije Hastor. Fondacija Hastor se pobrinula da ovi računari dospiju u ruke stipendistima kojima su zaista bili neophodni. Stipendisti, u ovom slučaju stipendistice koje su dobile računare su: Alija Čakić, Fatima Mešković, Danka Lazić, Džulisa Otuzbir, Mirsada Velagić i Aldijana Spahović. Sve stipendistice složile su se da im je ova donacija uveliko olakšala svakodnevni život, osobito na polju komunikacije i obrazovanja. Zajedno sa Fondacijom Hastor djevojke se zahvaljuju kompaniji Wolf Theiss na njihovoj društvenoj odgovornosti, a posebna im je čast što su izabrali našu Fondaciju i naše stipendiste koji će svojim radom i uspjehom opravdati njihovo povjerenje.

Wolf Theiss jedna je od vodećih odvjetničkih kompanija u centralnoj, istočnoj i jugoistočnoj Evropi (CEE/SEE). Svoj ugled izgradili su na kombinaciji nekonkurentnog lokalnog znanja i snažne međunarodne sposobnosti. Svoj

"Dobivši vijest da sam jedna od sretnih dobitnica kompjutera od kompanije Wolf Theiss, jako sam se obradovala. Obzirom da nisam imala kompjuter, dobro mi je došao prvenstveno zbog izrade seminarskih radova, zatim kako bih mogla ažurnije da pratim sajt fakulteta te rad Fondacije Hastor" **Danka Lazić**

prvi ured otvorili su u Beču prije više od 60 godina. Njihov tim danas okuplja više od 300 pravnika iz širokog spektra pozadina koji rade u uredima 13 zemalja širom CEE/SEE regije. Jedan od tih ureda osnovan je i u Sarajevu. Njihov tim sastoji se od lokalno kvalificiranih, visoko iskusnih advokata, čija se stručnost proteže na sva područja općeg korporativnog prava, bankarstva i finansija, spajanja i akvizicija, nekretnina i zakona o zapošljavanju.

Džulisa Otuzbir, 1 godina / Fakultet političkih nauka, Sarajevo



PAMETNI GRADOVI

Mjesečnom sastanku Fondacije Hastor rado se odazivaju svi stipendisti iz raznih krajeva Bosne i Hercegovine. Na ovakvim druženjima stipendisti koriste priliku da se međusobno upoznaju, zabave, ali i nauče nešto novo i korisno što će im dobro doći u budućnosti. Šta je to pametni grad, koje su karakteristike pametnog grada, te šta jedan grad treba posjedovati da bi se mogao nazvati pametnim? Odgovore na ova pitanja dao nam je naš ovomjesečni predavač, naš stipendista, Sanel Delić koji je uveliko zainteresovao prisutne studente koji se ranije nisu susreli sa pojmom pametnog grada. Nakon teoretskog dijela uslijedila je radionica u kojoj su studenti imali priliku da osmisle vlastitu verziju pametnog grada na primjeru grada Sarajeva. Šta to treba promijeniti i unaprijediti u Sarajevu kako bi ovaj grad dobio epitet pametnog grada?

Svjedočili smo mnoštvu ideja- od malčice nerealnih do jako promišljenih i izvodivih ideja koje se u konačnici daju realizirati. U toku predavanja naučili

U subotu, 25. jula, na zajedničkom mjesečnom sastanku studenata u prostorijama Fondacije Hastor, stipendisti su imali priliku da uče o pametnim gradovima. Predavač ovog mjeseca bio je naš stipendista Sanel Delić koji je znanjem i prezentacijskim vještinama oduševio prisutne.

smo da su pametni ljudi jedna od ključnih karakteristika pametnog grada, a tokom radionica bilo je očigledno da se pametni ljudi nalaze baš u Fondaciji Hastor, što su naši studenti svojim idejama i dokazali. Ovi pametni ljudi, svojim idejama i kreativnošću još su jednom pokazali kako je njihovo mjesto među najboljima te da svojim radom sigurno doprinose promjenama koje vode u bolju i svjetliju budućnost.

Džulisa Otuzbir, 1 godina / Fakultet političkih nauka, Sarajevo

FONDACIJA HASTOR POKREĆE TAKT AKADEMIJU

Fondacija Hastor u saradnji sa programom Prilika Plus i Ambasadom Švicarske u BiH te vodećim kompanijama iz bh. automobilske industrije pokreće Takt akademiju.

Cilj programa je obezbijediti obuku i ljudske resurse čije će znanje i vještine biti prilagođene radu sa najnovijim tehnologijama u vodećim kompanijama u BiH i regionu i to: Prevent Grupaciji, Bekto Precisi, Mann Hummel, Cimos i drugima. Takt akademija koristit će najmoderniju metodologiju za obuku koja će se sastojati od teoretskog dijela predavanja od strane industrijskih eksperata te praktične nastave koja će se izvoditi na lokaciji potencijalnog poslodavca. Po završetku programa, polaznici će dobiti priliku za zaposlenje u kompanijama učesnicima akademije. Na osnovu istraživanja koje je provela Fondacija Hastor u saradnji sa partnerima, te jasnih smjernica kompanija definirane su kadrovske potrebe, a u skladu sa potrebama napravljen program kojim će polaznici dobiti znanje, vještine i praksu neophodnu za zaposlenje u BiH automobilske industriji.

Više informacija o Takt akademiji kao i formular za prijavu zainteresirani mogu naći na www.takt.ba, te na facebook stranici Takt akademije.



NOVI PRIJATELJI FONDACIJE HASTOR

Izuzetno nam je drago što su potencijal Fondacije Hastor prepoznale i kompanije: Centrotrans Eurolines i Agencija Progit i odlučile nam se pridružiti u osnaživanju mladih na njihovom putu ka uspjehu!

Ovomjesečno izdanje biltena odlučili smo posvetiti uspjehu i najuspješnijima. Fondacija Hastor se itekako ponosi uspjesima svojih stipendista. Svojim radom i zalaganjem stipendisti Fondacije Hastor još su jednom dokazali da se trud itekako isplati te da je obrazovanje uistinu izbor pobjednika. S ponosom vam predstavljamo učenike generacije osnovnih i srednjih škola.

SABINA SULJIĆ

Osnovna škola

Osim Osnovne škole „Poljice“ u Lukavcu koja se ponosi Suljić Sabinom kao učenicom generacije, ponosi se i Fondacija Hastor koja je uz Sabinu bila od šestog razreda osnovne škole. Rođena je u Tuzli, 8. septembra 2000. Upisala je Internacionalnu srednju školu u Tuzli. Živi u Lukavcu sa roditeljima i sestrom. Trenirala je fudbal, a prije pola godine počela je svirati violinu. Iz osnovne škole je prate uspjesi sa takmičenja iz matematike, fizike, hemije, biologije i drugih predmeta. Kao nagradu za 5.0 prosjek i titulu učenika generacije dobit će dvije bonus stipendije, a Fondacija Hastor će je i dalje podržavati i podsticati ka daljim uspjesima u toku njenog obrazovanja.



TIRO MIRELA

Srednja škola

Našu stipendisticu Tiro Mirelu ove godine krasi titula učenice generacije Mješovite srednje ekonomsko-ugostiteljske škole u Travniku. Rođena je u Offenbach-u na Majni u Njemačkoj 02. augusta 1996. Živi sa roditeljima i jednom sestrom u malom mjestu ispod planine Vlašić, zvanom Turbe. Voli crtati i bavila se odbojkom. Ove godine se upisala kao redovan student na Ekonomski fakultet u Sarajevu. Mirela je stipendistica od šestog razreda osnovne škole, a s obzirom da je pokazala veliki uspjeh u srednjoj školi, Fondacija Hastor će je pratiti i podržavati u njenom daljem obrazovanju. Kao nagradu za 5.0 prosjek i titulu učenice generacije će dobiti dvije bonus stipendije.

KELJALIĆ NEJRA

Srednja škola

Srednja strukovna škola u Jajcu je Keljalić Nejru nagradila za uloženi trud proglašivši je učenicom generacije. Fondacija Hastor će također nagraditi svoju stipendisticu sa dvije bonus stipendije. Rođena je u Travniku 30. januara 1997. Živi u Jajcu sa roditeljima, bratom i sestrom, a svoje vrijeme provodi volontirajući u Omladinskom centru svoga grada. Također voli da piše pjesme, a svoj raspust će provesti u pripremama za prijemni ispit na Elektrotehnički fakultet. Stipendistica je od 2008. godine, a Fondacija Hastor je spremna i narednih godina njenog obrazovanja da je podržava i podstiče ka daljim uspjesima.

MUJČIĆ AJLA

Srednja škola

Mješovita srednja škola u Travniku je bogatija za još jednu učenicu generacije, a i Fondacija Hastor koja prati uspjehe Mujčić Ajle od šestog razreda osnovne škole. Rođena je u Zenici 24. aprila 1997. Živi u Busovači sa roditeljima i dva brata. Trenutno je na pripravničkom stažu za medicinsku sestru, a u budućnosti se želi posvetiti takvom pozivu i pomagati bolesnim ljudima. U slobodno vrijeme uživa čitajući knjige. Ajla će kao nagradu za svoj trud tokom prethodnih godina dobiti dvije bonus stipendije, za 5.0 prosjek i titulu učenika generacije.

KLOBODANOVIĆ ZUHDIJA

Srednja škola

Sa velikim ponosom ističemo našeg stipendistu Klobodanović Zuhdiju koji se pokazao kao najbolji od najboljih u Mješovitoj srednjoj školi u Maglaju. Rođen je u Zenici 31. januara 1997. Živi sa roditeljima, dvije polusestre i jednim polubratom u malom mjestu zvanom Novi Šeher. Upisao je Elektrotehnički fakultet u Sarajevu kao redovan student i ovaj raspust namjerava što više provesti sa porodicom i prijateljima prije nego ode u Sarajevo. Ističe se na takmičenjima iz fizike, a u slobodno vrijeme pomaže ocu u kovačnici. Fondacija Hastor ga podržava od 1. razreda srednje škole i nastavit će ga podsticati da radi još više kroz dalje školovanje. Kao stimulans da se i dalje trudi u toku fakultetskog obrazovanja a i kao nagradu za 5.0 prosjek i titulu učenika generacije dobit će dvije bonus stipendije.

UČITELJEV KUTAK

AKTIVNOSTI TOKOM JULA 2015

Fondacija Hastor je za školsku 2015 /16 dobila zahtjeve /molbe iz 60 opština /općina od 313 učenika osnovnih i srednjih škola koji su ostvarili 7 i više bodova. Prema pravilima Fondacije Hastor sve ove porodice treba posjetiti i uvjeriti se u činjenično stanje. Kako želimo ispoštovati dogovoreno vrijeme da se stipendije uplate do 10. septembra 2015. , krenuli smo sa više grupa u obilazak terena.

JEDNA OD GRUPA, JA I FADILA KREĆEMO 23. JUNA 2015. I DO 30. JULA SMO PREŠLI 7000 KILOMETARA I POSJETILI 235 PORODICA. OSTALE GRUPE SU TAKOĐER IZVRŠILE SVOJ ZADATAK.

Sad je na Komisiji za dodjelu stipendija Fondacije Hastor da na osnovu kompjuterski urađene redoslijedne/ rang liste odredi broj koliko će stipendija dijeliti ove godine i odobri pisanje ugovora koji trebju biti potpisati od ovlaštenog lica Fondacije i roditelja/ staratelja kao i ovlaštenog lica škole u koju ide učenik stipendista do 1.septembra 2015 godine.



OBRAZOVANJE KAO IZBOR POBJEDNIKA

Hanka Mujkić, 1 godina / Fakultet zdravstvenih studija, Sarajevo

Prije nekoliko godina, koje su sada već u mojoj daljoj prošlosti, tačnije rečeno djetinjstvu, imala sam priliku da na jedan specifičan način upoznam čovjeka i ženu koji me evo prate do dana današnjeg. Tada, u petom razredu moje osnovne škole, u tmurnom, kišnom danu, kada sam kročila u tadašnju učionicu biologije, nisam ni slutila da će se sve ipak razvedriti.

Naime, u to vrijeme bila sam mala djevojčica koja je patila od gojaznosti, bez nade i velikih očekivanja jer sam u većini slučajeva bila ismijavana zbog nespecifične građe tijela. Mnogo puta, kao dijete kojem se ne može reći da nema one jedne marke za sendvič sam plakala jer nisam bila kao ostala djeca, koja pored ostalog imaju i sok i pernice i raznobojne teke. A mama kao mama, onim svojim instinktom vječno me ohrabivala i donosila sendvič sa osmijehom na licu koji je uzela, kako se to tad zvalo, "na veresiju" u obližnjoj prodavnici pod starim izgovorom da će babi sutra plata. Nisam shvatala koji su se tad demoni krili iza njenog magičnog smijeha sa kojim me zavaravala iz dana u dan. I kao što sam već rekla, bila sam tek malo dijete sa odličnim ocjenama i velikim snovima u džepu do kojih je stizala samo moja mašta. Igrom slučaja, upoznala sam tog čovjeka, licem u lice sa svjetlosti na kraju tunela koja je vodila u nove početke. Pričao nam je o svome radu, o stipendiranju i mnoštvu nekih pojmova koje u to vrijeme i nisam baš najbolje shvatala. Jedno sam znala sigurno, da treba da čekam neke rezultate koji će odlučiti da li ću biti potencijalni stipendista ili ne. I da, mjesec septembar na pragu, vruć kao usijane plate na starom šporetu, najviše ću pamtit po tome. Mama je pala u nesvijest nakon telefonskog razgovora sa tadašnjim direktorom koji joj je javio da sam baš ja bila taj sretnik koji će narednu školsku godinu započeti kao stipendista fondacije Hastor. Tako je i bilo, od sljedeće godine i ja sam, kao i ostala djeca imala i sendvič i ruksak i raznobojne pernice koje sam dobila na poklon od tih dobrih ljudi. Nisam vidjela neki poseban značaj svega, sa dječijim mozgom, ne shvatajući šta imam, preskakala

sam i ostale prepreke u mom školovanju koje su redovno upotpunjavale posjete učitelja Rame. I tako, sa svojim snovima, za koje su svi mislili da su nemogući, upisala sam i srednju školu. Kroz volonterske sastanke sa stipendistima, naučila sam mnogo novih stvari o fondaciji. Polako sam počela da uviđam šta je to što rade ti ljudi, kuda idu, kakve su im to nade i ambicije. Sa svakim novim uspjehom i odličnom ocjenom slala sam pisma na već dobro poznatu adresu jer sam na neki čudan način osjetila da sa pravim ljudima dijelim svoju sreću.

Sada, kako ja to volim da nazovem, u trećoj deceniji svoga školovanja, student sam prve godine Fakulteta zdravstvenih studija u Sarajevu. Uz pomoć Fondacije Hastor uspjela sam da vlastitim prstima uhvatim svoje dugo sanjane sne, koje mi moji roditelji i pored ogromne ljubavi ne bi mogli priuštiti. Mislim da sam tek sad, evo nakon skoro deset godina, kada sam dobila priliku da upoznam i ostale članove ove moje druge porodice shvatala pravi značaj ovog stipendiranja. Kada ja, pored svega po strani, imam taj jedan savjet učitelja Rame, kada pored fakultetskih, porodičnih i adolescentnih briga imam osmijeh tima Fondacije Hastor, da me digne sa dna i podrži u svemu, raširene ruke za zagrljaj, kome god da je potreban od ljudi zaposlenih u tim prostorijama. Kada vidim, da u mnoštvu ljudi, imam čovjeka koji me prati od ranog djetinjstva, tamo gdje bi me i sopstvena sijenka napustila, koji me uči da koračam kao obrazovan građanin, koji će sutra naslijediti barem desetinu svih njegovih osobina.. i kada mi suza kane dok ovo pišem. Mislim da je svaka naredna riječ suvišna. Moja druga porodico, moji vodiči, svaka riječ je premala za zahvalu.

Za sve što sam postala, za sve što ću postati, za svaki osmijeh i lijepu riječ, hvala vam. Koračam dalje uzdignute glave jer vas imam uz sebe, naravno, uz obrazovanje kao izbor pobjednika. Najvećeg pobjednika. je i dalje podržavati i podsticati ka daljim uspjesima u toku njenog obrazovanja.